



Il mas-chalch da Sent

Publicaziuns officialas. Cumpara seguond bsögn.
2003/2005
no. 18

7554 Sent, 5 avrigl 2004 /mw

Radunanza cumünala

La radunanza es gnüda fixada sün **mardi, 13 avrigl 2004** a las 20.15 in chasa cumünala.

Tractandas:

1. Protocol dals 11 december 2003, acta 04
2. Orientaziun 2. etappa implant d'innaver
3. Müdamaint dal reglamaint da taxas (taxas chanalizaziun/sarinera ed immundizchas)
4. Müdamaint uorden da scoula
5. Varia

Il Cussagl cumünal

Condotta da glera - offertas

Il Cumün metta in libra concorrenza il manar la glera per las vias cumünalas. Formulars d'offerta pon gnir retrats in büro cumünal a partir da lündeschdi, 5 avrigl 2004.

Termin d'inoltraziun: **venerdì, 16 avrigl 2004 (buol postal, posta A);**

Chavazzin sülla busta: „Offerta inglerar“

Büro cumünal

Deponia La Fuorcha – avertüra officiala

A partir da quista publicaziun es la deponia La Fuorcha darcheu averta. La clav da la deponia La Fuorcha as po retrar d'urant las uras da fanestrigl i'l büro cumünal.

1. Tenor las directivas da la PEB chi's basan sül art. 26 da la ledscha chantunala per l'allontanamaint d'arüd (AbG), esa admiss da depositar sülla **deponia cumünala** be **material net da s-chav, roba da üert e frus-chaglia** cunter üna taxa da fr. 7.-- per m³.
2. **Tuots oters materials** sun da depositar sülla **deponia regionala Sot Ruinas a Scuol**.
3. I das-cha gnir deponà be material dal territori dal cumün da Sent.
4. Il quantum e che material chi vain manà sülla deponia es d'indichar in büro cumünal.
5. **Privats** pon depositar **gratuitamaing fin 5m³** material net da s-chav o roba da üert e frus-chaglia, **l'on**.
6. Pro'l deposit da gronds quantums da material da s-chav esa da contactar **ouravant** cul respunsabel, Johann Tschalär.

Il Cussagl cumünal

Avis als possessurs da chans

Il büro cumünal giävüscha als possesers da chans da far adöver dals indrizzs chi cuntengnan sachins per cleger sü la merda dals chans, chi sun montats in divers lös in cumün.

Per cha las vias in cumün e las vias da spassegiar restan nettas e muossan ün plü bel purtret, as chatta budschins o ternas per büttar davent ils sachins chargiats culla merda.

Büro cumünal

Placas da velos e töffins

A partir da subit as poja retrar placas per velos e töffins d'urant las uras da büro.

La pulizia cumünala

Da dar a fit

A partir dals 1. gün 2004 üna **abitaziun da 2_ stanzas**, cun piazza da parcar. Lö sulagliv e quiet

central.

Per dumondas stan a disposiziun, Famiglia Mario Riatsch 081 864 81 29 o Natel 079 413 05 66

Corporaziun evangelica Sent

La radunanza generala da la Corporaziun evangelica ha lö in **mardi, als 20 avrigl 2004**, a las 20.00 illa saletta in chasa da pravenda

- Tractandas
1. Salüd e tscherna scrutinaduors
 2. Protocol da la radunanza dals 29 avrigl 2003
 3. Rapport annual dal president
 4. Rendaquint 2003
 5. Rapport dals revisuors da quint
 6. Preventiv 2004
 7. Fixar pè d'impostas
 8. Rapport annual dal ravenda
 9. Revisiun da l'orgel, orientaziun
 10. Sfidas per l'avegnir
 11. Varia

Davo la radunanza as poja star amo ün pa insembel e baiver ün caffè o ün tè e mangiar ün toc tuorta.

Sperond sün üna numerusa cumparsa As invida

pel Cussagl da baselgia
il president Gisep Stricker

Gitas accumpagnadas in Engiadina Bassa

Per tuot las persunas sur 55 ons chi sun bain in chomma, aman la natüra e vöglian giodair la cumpagnia, vegnan organisadas quista stà plüssas gitas cun manaders:

<u>1. gita:</u>	Gövgia, 24 gün 2004	Puschlav: Miralago – Le Prese	ca. 1 _ uras
<u>2. gita:</u>	Gövgia, 1. lügl 2004	Lü – Müstair	ca. 3 _ uras
<u>3. gita:</u>	Gövgia, 15 lügl 2004	Klosters e cuntuorns	ca. 2 _ uras
<u>4. gita:</u>	Gövgia, 5 avuost 2004	Macun (transport cul tractor) fin alp Zeznina	ca. 4 _ uras
<u>5. gita:</u>	Gövgia, 19 avuost 2004	Pass d'Alvra – chamanna d'Es-cha – Pass d'Alvra	ca. 3 _ uras
<u>6. gita:</u>	Gövgia, 2 settember 2004	Susch – Foura Baldirun – Lavin	ca. 2 _ uras
<u>7. gita:</u>	Gövgia, 16 settember 2004	Ova Spin – Il Fuorn	ca. 2 _ uras
<u>8. gita:</u>	Gövgia, 4 november 2004	Inscunter a Sent	

Per infuormaziuns detagliadas ed annunzchas **al mardi davo las 17.00 h** stan a disposiziun:

Irma Egler, 081/862 27 24 o Simon Viletta, 081/862 27 77.

(Ulteriuras infuormaziuns vair la chaista naira da publicaziun in chasa cumünala Misoch).

Irma Egler e Simon Viletta

Concert da la Società da musica Sent

La Società da muscia Sent invida cordialmaing a tuot la populaziun ed amis da la muscia al concert chi ha lö la **dumengia da Pasqua, 11 avrigl 2004** a las 20.30 in chasa da scoula. Nus sperain sün üna numerusa cumparsa.

Società da musica Sent

Tscherchè

A partir da subit o tenor cunvegna da tour a fit o da cumprar üna chasa (po esser eir veglia) cun üna stalla. Causa cha no vain üna sellaria eschan in dovair chi saja avantman ca. 5 ha. per cultivar.

Per dumondas a's volver per plaschair pro: Yves Aebli, Töbeli 7, 8750 Riedern. Tel. 055/640'78'19.

Viadi per attempats

No vain plaschair dad invidar a tuots attempats a nos viadi annual a Bad-Ragaz chi ha lö als 17 mai 2004. Partenza da Plaz a las **08:30**. Cuosts pel viadi ca. **fr. 30.--**. La società da duonnas spordscha il giantar a tuots quels sur 70 ons. Natüralmaing sun eir quels suot 70 ons fich bainvis. Annunzchas piglian incunter fin il plü tard als 12 mai 2004:

Vreni Buchli, tel. 081/864 06 77 e Mema Werro-Koch, tel. 081/864 90 68. Minchün es amiaivelmaing invidà a passantar ün bel di cun no.

Società da duonnas